

Aen Loqsiengj Gyagoeng

□ Veiz Haijlanz

Gyagoeng haeuj bineix daeuj roxnyinh sim'angq lai lo, saehndei gienh ciep gienh, mbouj cij dwg "saehndei baenz boengj" ne. Gienh saeh cieq hawj gyagoeng sim'angq dwg, daeglan youh seng dah lwnyaed ndeu, ndawranz caiq dem lanlaenj, ciuq vah gyagoeng gangj couhdwg, aen loqsiengj seiq daih caemhyouq de engq luenzlob lo. Gyagoeng danq gaemz hei q naeuz: "Seiqvunz gou dai cix ndaej laepda lo."

Gyagoeng bineix haeuj 80 bi, de miz sam daeglwg caeuq dahmbwk ndeu, seizneix sam daeglwg gaenq youq ndaw singz cawx miz ranzlaeuz roxnaeuz cawx dieg guh ranzlaeuz, caemhcai q bouxboux miz ciuq; dahmbwk haq bae gyanggai Namzningz, bouxvan de dwg gunghyinz, dahmbwk gag guh seng'ei q, saedceij hix suenq gvaq ndaej bae. Seiq boux lwg gyagoeng gungh seng miz 6 boux lwglan, song daeglan hung gaenq baenzranz, youh caiq miz lwnyez lo. Hoeng, aenvih song daeglan boux ngamq seng boux lanlaenj ndeu, roxnaeuz gyagoeng cungj roxnyinh lwg lai fuk lai, hoeng ndawranz lanlaenj noix caengz gaeuq habhoz geijlai. Sam bi gaxgonq guek raeuz gaenq ok cwnqczw moq, moix doi q gvanbaz hawj seng song boux lwg, daeg lanlaenj cieq hung cix gaenq 6 bi, vihneix gyagoeng gienq daeglan caiq seng boux dem, hoeng gvanbaz daeglan mbouj nyienh lai seng, lauhei q lai ciengx boux lwg dwgrengz lai. Bi gvaq bi, yaepda song bi couh gvaqbae lo, daeg lanlaenj hung gaenq 8 bi, gyagoeng vihneix miz di simgip, de heuh daengx ranz vunzhung bae gienq gvanbaz daeglan, naeuz ranz raeuz mbouj lau ciengx mbouj ndaej lai boux lwglan, seizneix mbouj lumj doenghbaez lo, guekgya raeuz miz cwnqczw ndei raixcaix, cijaeu caezgya sij ndaej haenqrengz bae guh, saedceij couh yied gvaq yied ndaej ndei.

Mbouj rox dwg dingq caezgya

gienq lai le, roxnaeuz gvanbaz daeglan gag ngeix doeng lo, bi' gvaq ndwen-caet gvaqci et, couh raen bawxlanngieh daiqndang ma lo. Daeglanngieh naeuz, de song gvanbaz gaenq doxyaeng ndei, youq rog dajgoeng daengz lajlab, couh dauqma ranzmbanj gag guh seng'ei q, buenx daengx ranz vunz youq, mbouj caiq bae diegrog dajgoeng lo. Daj seizhaenx hwnj, gyagoeng sim'angq lai lo.

Gyagoeng gag dauqngeix sei q-vunz swheij 40 bi gaxgonq, baengh guhhong cizdij daeuj ciengx ranz, dungx cungj gwn mbouj imq, vih gyu youz ndaw rek, de caeuq daxboh laeglemx bae buenq di doxgai q dauq gai, daengxngoengz ndang saenzdedded lauhei q deng gaeb bae daeuq, saedceij gvaq ndaej caen mbouj sim'onj. Aenvih ranz hoj, 4 boux lwg cij ndaej soengq boux ndeu bae doegsaw.

Mboujgvaq, 40 bi baihlaeng, gyagoeng roxnyinh saedceij ngoenz beij ngoenz ndei. Guek raeuz saedhengz gaijgwz hailangh le, 3 boux lwg mbouj ndaej doegsaw haenx mbouj nyienh caeuq bohme h guh hongnaz, gyagoeng couh cuengq fwngz hawj gyoengqde bae guh seng'ei q, gak boux gak yienj ok bonjsaeh ak okdaeuq, saedceij yied daeuj yied ndei, 3 boux de couh gonqlaeng baenzranz. Caiq gvaq ndaej mbouj geij nanz, song daeglwg couh youq ndaw singz cawx ndaej dieg daeuj hwnj ranzlaeuz lo. Gyagoeng ngamq ndaej 55 bi couh mbouj aeu sinhoj guh hongnaz, daeuj ndaw singz caeuq lwg daiq lan, donqdonq ndoet cenj laeuj ndeu, saedceij gvaq ndaej gig cwxcaih.

Caiqnaeuz ndangdaej gyagoeng haemq cangq, mbouj geijhoz baenz bingh, gvaq ndaej onjdingh sim mbouj you, riunyumj dwddwd, vunzlai ciengzseiz duenq bi'ndwen de oi q gvaq 10 bi. Dingqnyi vunzlai baenzneix haenh de, gyagoeng engq naj hai sim'angq lo. Yienznaeuz youq onj gwn van, hoeng 4 boux lwg cij ngamq miz 6



boux lwglan, gyagoeng gag roxnyinh caengz hab'ei q geijlai. Hoeng mwh-haenx gij cwnqczw senglw gyeukgya couhdwg baenzneix, mbouj ndaej lai seng, caiqgangj 4 boux lwg bi beij bi geq lo, gyagoeng cij ndaej dawz gij siengjap bonjfaenh yo ndawsim.

Ndwenngoengz lumj raemx lae, daengz ciuh daeglan gyagoeng maj-hung baenzgya lo, lajmbanj ndaw singz hix bienqvaq vaiqvwd. Ndaw singz ranzlaeuz doengh beij doengh sang, lajmbanj hix ranzranz caep ranzlaeuz, lajmbanj ndaw singz yied ndaej yied nauhyied. Hoeng, gyagoeng roxnyinh lij caengz gaeuq habhoz, de maij ngoenznaengz miz baenz gyoengq lwglan baez haeuj ranz couh heuh de "daxboh" roxnaeuz "daxgoeng"、"goenggeq", miz gangj miz riu, yienghneix geijlai nauhyied ha! Ndigah, dingqgangj daeglan youh seng dah lanlaenj, gvanbaz daeglan yaek maranz caemhyouq lo, gyagoeng roxnyinh aen loqsiengj de dauqdaej ndaej saedyienh lo.

Ngoenz ndeu, daeglandaih daiq dahlwg de daeuj ranz gou gwn ngaiz. Yienznaeuz dahlaenj youq henz daiz hemq mbouj dingz, hoeng gyagoeng mbouj yiemz de cauz, lij caeuq dah-

laenj daeuq bak, ciengzseiz riuho ho.

Daeglandaih yawj le doi q gya-goeng naeuz: "Daxgoeng, gou bineix dajsuenq caiq seng boux lwg dem, mwngz naeuz baenz mbouj baenz ne?" Gyagoeng baez dingq daeglan baenzneix gangj, angq dwk lien z naeuz: "Baenzlawz mbouj baenz! Gou naeuz baenz lai lo! Gou haethaemh maq-muengh miz lai boux lanlaenj ne! Mwngz yienghneix gangj gou couh ndoet laeuj ndaej engq van lo!" Daeglandaih riu naeuz: "Daxgoeng, danghnaeuz mwngz ndaej gya eu daengz bak bi, couh ndaej 5 daih vunz caemhyouq bw!" Gyagoeng dingq le, riuho ho naeuz: "Ndei bw! Cijaeu gyoengq lwglan sou mbouj yiemz, gou couh siengj banhfap gya eu daengz bak bi!"

Caezgya roxnyinh gyagoeng dwg gangriu, mboujgvaq daeglandaih han naeuz: "Raeuz baenzlawz ndaej yiemz bouxlaux ne? Daxgoeng mwngz lai gwn di, bauj ndang cangq uk singj, gvaqlaeng geij boux lan doxlwnz dai q mwngz okrog bae lijyouz!" Dingq daeglandaih baenzneix gangj, gya-goeng angq dwk sing riu engq sang lo. Daengx ranz vunz caemh riuha ha hwnjdaeu j.

Lienh mbouj ndaej doxaeu,
Dai simdaeuz mbouj nyienh.

Mbwk:

Yaek baenzlawz baenzde,
Geq dai sim mbouj naeuh,
Dawz bae coemh baenz daeuh,
Raeuz cungj aeu doengzdoi h.

Sai:

Caeuq nuengx lienh doxaeu,
Sim youh raeuj youh van,
Ndae j nuengx daeuj caemh ranz,
Byaek ndaw banz did nyod.

Mbwk:

Caeuq beix lienh doxaeu,
Sim youh raeuj youh van,
Ndae j ndij beix caemh ranz,
Sim mbouj fanz saek loh.

Sim Mbouj Bienq

□ Vangz Gozgvanh / 黄国观

Sai:

Yaek baenzlawz baenzde,
Daengz geq sim mbouj bienq,
Gietsim caeuq mwngz lienh,
Sim mbouj bienq baenz ngaih.

Mbwk:

Yaek baenzlawz baenzde,
Daengz geq sim mbouj bienq,

Dawz bae coemh baenz cien,

Sim mbouj bienq baenz ngaih.

Sai:

Yaek baenzlawz baenzde,
Daengz geq sim mbouj doi q,
Naemj caeuq nuengx doengzdoi h,
Sim mbouj doi q baenz ngaih.

Mbwk:

Yaek baenzlawz baenzde,
Daengz geq sim mbouj doi q,
Dawz bae coemh baenz hoi,
Sim mbouj doi q baenz ngaih.

Sai:

Yaek baenzlawz baenzde,
Geq dai sim mbouj naeuh,